

chen handelst. Des wir vormalē doch ungewāt sein/
Allein wir doch machen küstreichē. edeln. schonen.
mechrigē. und hoffertigē leutē. Sere über den rain ha=
ben gegrasset. Douō wittwen und waisen landē vñ
leutē. leides genüglich ist geschē. Du thust dē gleich.
als die erust sei. und dich not schwerlich betwingt.
dein clag ist ein reim. douon wir pruffen du woldest.
durch donēs und reimēs willē. deinē sñ nicht entwē=
chen. Mistu aber tobent. wutent. tualinig. oder an=
derwo an sñ. So verzeuch. auch enthalt. und pifz
nicht zu schnell. so schwerlich zu fluchē. Den wardt
das du icht bekumert werdest. mit affter reu. wenn
nicht. das du unser herliche vñ gewaltige macht. ym=
mer mügst geschwachē. Dennoch nēne dich. vñ ver=
schweig nit. in welcherlei sacht die sei vñ ons. so tuēc=
klicher gewalt begeinet. Rechtuertig wir dir wol
werdē. rechtuertig ist unser geuere. wir wissen nicht
wes du ons so freuenlich bezeihest.

Des clagers wider red das. iij. capitel.

Ich pin genāt ein ackermā. vñ vogelwad ist mein pf=
lug. ich won in pehē lande. gehellig. wideruertig. vñ
widerstrebēd. sol ich euch ymer wese. wan ir habt mir.
den zwelffte puchstab meiner freudē hort. auß dem al=
phabet gar freissamlichē enzügt. Ir habt meiner wū=
nēlich und sūmer plumē. mir auß meines herzē an=
ger iemerlich außgereütet. Ir habt mir meiner salbē
hafft. mein auß. eruelte türtel tauben. arglistiglich en=
pfremdet. Ir habt unwiderpränglichē raib an mir